

toris inspicere & sermones Domini Dei tui, qui ab hujus mundi sapientibus deridentur, plenos docere sapientia spirituali. Habeant sibi ceteri si velint, suas opes, gemmata bibant, serico niteant, plausu populi delectentur, nostra divitia sint, in lege Domini meditari die nocteque &c. Ep. ad Paul. Urb.

§. 6.

*Frequentes
Patrum co-
hortationes
ad Scriptu-
rae S. lectio-
nem.*

Cum ergo tantum thesaurum in Scripturis latitare cognoscerent, sollicite ad ejus studium adhortabantur, non ut legisse eam sufficere crederent, sed ut mediante hoc organo, quod DEUS constituit, cum DEO suo quasi colloquerentur, jussa ejus indies accuratius discerent, ad sequelam inflammarentur, animasque suas quasi quotidiano hoc cibo satiarent, Christumque, qui in ea nobis sistitur, & quaecunque nobis acquisivit, vera fide sua facerent. CLEMENS ALEXANDR. summo-
pere studium hoc urget in *Padagogo* suo, & cum ex illa omnes fontes sapientiae & veritatis emanent, non *utilem* solum sed & *necessariam* ejus lectionem esse judicat *Strom.* l. 6. ATHANASIIUS TR. *Adversus eos, qui nec quarend. nec loquend. ex Script. praeipiunt.* Tom 2. p. 295. multis verbis mentem ad S. Scripturam homines advertere jubet, ut semper in ejus intelligentia proficientes veritatem recte agnoscamus. JUSTINUS in *Dial. cum Tryph.* precari se omnes dicit, ut gratiae Scripturas intelligendi participes fieri per ejus lectionem studeant. ORIGENES in *Genes. c. 23.* *quotidie veniendum est, inquit, ad puteos scripturarum, & hauriendum semper & plenum vas domum referendum.* HIERONYMUS Paulinum Presbyterum, qui ei sanctioris vitae propositum aperuerat, lectionem scripturarum adgredi jubet, & postquam affatim ei exponit, quae in illa esset inventurus, *hoc fore in terris caelestis regni habitaculum, ait, si inter eas vivat, istas medite- tur, nihil aliud noscat, nihil aliud quærat.* Epist. CIII. AMBROSIIUS Christiani officium ita exprimit: *divina intra se volvat oracula atque ad ea quae complacent Deo suum imformet affectum. Sit meditatus in lege, & nulla eum Dei mandata praetereant, & alibi: ungamus oleo lectionis mentis nostra lacertos. Sit nobis tota die ac nocte exercitii usus in quadam caelestium Scripturarum palestra, artusque animorum nostrorum salubris illa ferculorum esca confirmet.* in *Psal. CXVIII. tot.*

§. 7.